



Kerneier Lyrik

Seite 1

Auswanderung

An die Kerneier in Amerika... von Peter Gärtner

An die denk ich als gern un oft,
Weil friehr hab ich als selwr ghofft.
Domools war ich noch a klones Kind,
Dass's'mr vielleicht doch mool glingt:
Rauszukumme aus Kernei un dr Batschka
Un niwrfahre ins scheeni, großi Amerika.
Schun als klonr Buu wars mei' Troom
Uff Amerika weit weg vun dr hoom.
S' meensch im Schnitt, wann's heiß war,
Beim Kukruzbreche im Spotjahr,
Hab ich allweil welle auswanre,
Weit iwr's Meer zu denne anre.

Domools hab ich'mr vargestellt,
In Amerika v'rdient'mr leichtr's Geld,
Kummt ehndr zu ohme Automobil,
Un arweite brauch'mr aa nett so viel.
Zigarette uns Esse is billich,
In dr Bikse gibts Fleisch un Millich,
Die Dollars wachse uff am Boom
Un alles is viel schennr wie drhoom.
S' Glick werd am driwe gschenkt,
So hab ich domools g'denkt.
Heint mit meine 53 Jahr
Brauch ich ko Auto un ko Dollar.
Schun aus dem ohnfache Grund:
Zufriede sei' un gsund,
Des is a schun viel wert,
Im Leewe is des s'wertvollschti uff dr Erd.

Vieli vun euch hott'mr v'rtriewe
Un nix anres is iwrichg'bliewe,
Wie irgendwu Fuß zu fasse'
Weil die Raatze euch v'rjagt henn un ghasse.
Ohnfach wars far euch b'stimmt nett
Un manchi henn als im Stille g'bett,
Wie sie des großi Wassr henn g'sehge
Var lautr Angscht un Hoomweh.
Im Kupfr paar aldi Sache,
S'Greine war nächr wie's Lache.
Oft als a klones Kind an dr Hand,



Kerneier Lyrik

Seite 2

Auswanderung

Hätt'r v'rlosse Östreich un Deitschland.

Heintzutag sin vieli widdr vun eich
Nimmi arm, mr kann ehndr sage, reich.
Etliche henn widdr a Haus un Geld
Odr a Farm mit ohme masse Feld.
Jedr vun eich hott schun bal a Auto,
In jedr Stub a Fernseh'r odr a Radio.
Manchi, schun bal die meenschte,
Kenne sichs im Urlaub leischte,
Nach Eiropa zu fahre odr fliege,
Zu dr Landsleit, die sie noch liewe.

Spare, folgsam un fleißich sei',
Des hätt'r schun glernt in Kernei.
Un dass'mr Geduld muss hann im Leewe
Des misst'r doch alli selwrscht zugewe.
S'Geld liegt halt nett uff dr Strooß,
Oft muss'mr drum arweite wie a Ross.
S' Schicksal stellt am oft uff die Prob,
Des waaß heint iwral jedr Schwob.
Ob in Amerika odr in Deitschland,
Waars Arweite noch niemools ko Schand.